

PROTOKOLL



ndërmjet Ministrisë së Financave – Administratës Doganore të Republikës së Serbisë dhe Ministrisë së Financave dhe Ekonomisë – Drejtorisë së Përgjithshme të Doganave të Republikës së Shqipërisë në lidhje me zbatimin e marrëveshjes për njohjen e ndërsjellë të operatorëve ekonomikë të autorizuar – autorizimet për sigurinë dhe mbrojtjen (OEAS) ndërmjet Qeverisë së Republikës së Serbisë dhe Këshillit të Ministrave të Republikës së Shqipërisë

Në përputhje me nenet 8 dhe 11 të marrëveshjes për njohjen e ndërsjellë të operatorëve ekonomikë të autorizuar – autorizimet për sigurinë dhe mbrojtjen (OEAS) ndërmjet Qeverisë së Republikës së Serbisë dhe Këshillit të Ministrave të Republikës së Shqipërisë, nënshkruar më 21 dhjetor 2021 në Tiranë, Ministria e Financave – Administrata Doganore e Republikës së Serbisë dhe Ministria e Financave dhe Ekonomisë – Drejtoria e Përgjithshme e Doganave e Republikës së Shqipërisë (në vijim referuar si “Palët”), bien dakord si më poshtë vijon:

Neni 1 Dispozitat hyrëse

Ky Protokoll përcakton metodën e kryerjes së procesit të vlefhtësimit të njohjes së ndërsjellë të OEAS.

Neni 2 Ekipi i vlefhtësimit

Secila Palë i njofton Palës tjetër me shkrim anëtarët e ekipit të saj të vlefhtësimit. Ekipi i vlefhtësimit i secilës Palë përbëhet nga ekspertë të OEA, me nga tre anëtarë secili.

Neni 3 Procesi i vlefhtësimit

Palët bien dakord për datën ekzakte të fillimit të vlefhtësimit.

Përpara vizitës së planifikuar të ekipit të vlefhtësimit, Palët shkëmbejnë me njëra-tjetrën dokumentacionin e plotë në lidhje me Programin e OEA në gjuhët zyrtare të Palëve dhe në gjuhën angleze. Dokumentacioni që duhet shkëmbyer përfshin: dispozitat e legjislacionit doganor në lidhje me OEA, dispozitat e akteve nënligjore përkatëse, shpjegime dhe udhëzime.

Përpara kryerjes së një vizite pranë një shoqërie, duhet të merret pëlqimi i shoqërisë përkatëse për vizitën e delegacionit të huaj.

Ekipet e vlefhtësimit do të vizitojnë dy shoqëri të pajisura me autorizimin e OEA.

Në vijim të vizitës do të hartohet një raport, ku anëtarët e ekipit do të japin opinionet e tyre lidhur me programin e OEA, duke përfshirë gjykimin e tyre nëse programi është zbatuar në përputhje me kushtet e parashikuara.

Neni 4
Rezultatet e vlefhtësisë

Për kërkesat e këtij Protokollit, Palët bien dakord të njohin Raportin e Vlefhtësisë të Njohjes së Ndërsjellë të OEAS për Programet e OEA dhe proceset e OEA, i cili është ekuivalent me të njëjtin proces vlefhtësimi të kryer ndërmjet vetë Palëve, dhe është hartuar nga ekipi i vlefhtësisë i emëruar nga Sekretariati i CEFTA.

Neni 5
Shkëmbimi i informacionit midis Palëve

Shkëmbimi i informacioneve të parashikuara në nenin 8 të marrëveshjes për njohjen e ndërsjellë të operatorëve ekonomikë të autorizuar – autorizimet për sigurinë dhe mbrojtjen (OEAS) ndërmjet Qeverisë së Republikës së Serbisë dhe Këshillit të Ministrave të Republikës së Shqipërisë bëhet çdo javë nëpërmjet Sistemit të Shkëmbimit Sistemik Elektronik të të Dhënave (SEED).

Neni 6
Zgjidhja e mosmarrëveshjeve

Çdo mosmarrëveshje ndërmjet Palëve në lidhje me interpretimin ose zbatimin e këtij Protokollit do të zgjidhet, sipas rastit, në nivelin e ekipeve të vlefhtësisë.

Mosmarrëveshjet për të cilat nuk arrihet një zgjidhje sipas mënyrës së parashikuar në paragrafin 1 të këtij neni do t'u referohen autoriteteve më të larta të secilës Pale.


Neni 7
Hyrja në fuqi dhe periudha e vlefshmërisë së Protokollit

Ky Protokoll hyn në fuqi në datën e nënshkrimit të tij nga të dyja Palët.


Vlefshmëria e këtij Protokollit përfundon në datën kur të dyja Palët janë njoftuar për përfundimin e procesit të vlefhtësisë.

NËNSHKRUAR në, më 1 shtator 2022, në dy kopje origjinale në gjuhën, shqipe, serbe dhe angleze, ku secili tekst ka të njëjtën vlerë ligjore. Në rast mosmarrëveshjes në lidhje me interpretimin, mbizotëron teksti në gjuhën angleze.

për
Ministrinë e Financave dhe Ekonomisë -
Drejtorinë e Përgjithshme të Doganave të
Republikës së Shqipërisë


Drejtor i Përgjithshëm
Genti Gazheli

për
Ministrinë e Financave –
Administratën Doganore
të Republikës së Serbisë


Drejtor i Përgjithshëm i Komanduar
Branko Radujko